

Bemba - Imucingilile Malembo Yamushilo - Protection Scriptures

Yeremia 1:18 **Mona, ubwa lelo nakucita ukuba umusumba we linga, kibili ukuba ulupanda lwa cela, kibili nge linga iya mukuba iyakulwishanya ne calo conse, kukulwishanya ne shamfumu sha mu Yuda, pamo na bacilolo, na bashimapepo, na bantu bene kumo aba mu calo.**

Esekieli 3:18 **Ine nga napingula umuntu umubi ukuti, ‘Cine cine iwe uli nokufwa,’ na iwe wakaana ukumusokako pakuti aleke imicitile yakwe iyibi, amone no kwikala umumi, ala ninshi uyo muntu umubi akafwa pa mulandu wa bubi bwakwe, lelo na iwe wine ukapeelawapo umulandu pa mulopa wakwe.**

Yeremia 6:27 **Niwe nabika ukuba uwakwesha abantu bandi, pakuti wishibe inshila shabo ne myendele yabo.**

Abena Levi 26:19 **Ine, ne Yawe nkamupwisha icilumba. Kibili nkalenga umulu ukuba kwati cela, no mushili nao ukukosa ngo mukuba kukuuma.**

Amafunde 23:5 **Nomba Yawe Lesa wenu taumfwile kuli Balamu, ena epakwalula ukulapisha ukuba amapaalo, pantu Yawe Lesa wenu alimutemwa.**

Roma 12:21 **Mwileka bubi ebo bulemucimfy, awe cimfyeni ububi mukucita ifisuma.**

Amalumbo 143:8,10 **Uleke ulucelo lulenjibukishako icitemwiko cobe icishipwa, pantu nacetekela muli iwe. Unange inshila iyakuti ine ndekonkamo, pantu kuli iwe eko nalosha umweo wandi. 10 Umfundeko ukulacita ifyo iwe ufwaya, pantu uli Lesa wandi, Uleke Umupashi obe uusuma ulentungulule mu nshila iyatambalala.**

Amalumbo 94:12 **Alishuka umuntu uo usalapula we Yawe, uo usambilisha amafunde yobe.**

Amapinda 27:12 **Umuntu uwamano alamona uko ubwafya bulefuma, no kutaluka atalukako, imbulwamano yena ilungama kulya kwine, elyo panuma yalalanguluka.**

Filipi 2:16 **Mulebashimikilako ishiwi ilipeela umweo. Nga efyo mwalacita, lyena nkaba ne cakumfwilapo icilumba pa Bushiku bwakwa Kristu. Pantu cikalanga ukuti mu kubutukisha kwandi no kuipamfy mukubomba, nshaicushishefye iyoo.**

Esaya 49:4 **Na ine nalyaswike nati, “Ukubomba ine ndabomba, lelo kwena njakashafye. Nangu ndabombesha nganshi, lelo tapaba ico mwenamo, nakalya.” Lelo kwena uwingampeela insambu, ni Yawe, no kunambula ni Lesa wandi eukanambula pafyo nabomba.**

Amalumbo 76:3 **Palya pene epo afunawile imifwi iyalebengeshima, ne nkwela, ne mpanga pamo pene ne fyanso fimbii ifyabulwi. (Selah)**

Bahibulu 13:21 **Lesa wamutende engamupeela ifintu ifisuma fyonse ifyo mulekabilia pakuti mulecita ifyo alefwaya, elyo na ku maka yakwa Yesu**

Kristu, Lesa alebomba muli ifwe ifilemusansamusha. Kristu nalelumbwa pe na pe! Ameni.

1 Kolinti 16:15 Bamunyinane mwalishiba bonse aba mu ɳanda yakwa Stefana. Aba ebabalilepo ukusumina muli Kristu mu calo ca Akaia. Kibili baliipeela nganshi mukubombela abamushilo.

Filipi 1:27 Kanshi icintu icikalamba mu bumi bwenu, kwikala ngefyo Imbila Nsuma yakwa Kristu ifwaya. Epakuti nangu cakuti naisa mupempula nangu cakuti nshishileko, lelo ndeumfwa ukuti mwaba abakosa nganshi, aba mutima umo. Kibili nokuti bonse pamo mufwayafye icintu cimo, ukulwisha capamo ukuti abantu basumine Imbila Nsuma.

1 Kolinti 15:58 Kanshi bamunyinane mwe batemwishi bandi, muleshangila, mwilategenta. Mube abakalabana mukubombela Imfumu. Mwalishiba ukuti tamwaba kuicushafye mukubombela Imfumu.

Kolose 4:12 Epafula, uwaba nao wa mwibumba lyenu kibili umusha wakwa Kristu Yesu, nao amuposha. Lyonsefy alamupepelako pa maka. Alomba Lesa ukuti mube abakosa mu cisumino, abapwililika, abashitwishi mu cisumino, kibili abanakila Lesa muli fyonse.

2 Ishamfumu 19:34 ‘Ndecingilila uno musumba no kuupususha, pa mulandu wandi na pa mulandu wa cilayo ico ine nalaile umubomfi wandi Davidi.’’

Yeremia 15:20,21 Ine nkakucita nge linga ilyamaka ilya mukuba, ilyakukucingililako kuli aba bantu. Bena bakalakulwisha, nomba iwe tabakakucimfye nakalya. Pantu ine nkalaba nobe pakukupokololako no kulakusunga umutende.” Efyasosa Yawe. 21 “Ine nkalakufyombotolako mu minwe ya bantu babi, nkalakulubulako na ku bantu balukakala.”

Amalumbo 55:18 Akulapokolola umweo wandi mu mutende ukufuma ku bulwi ubo ndwisha, pantu abandwisha balifula.

Esekieli 30:24 Elyo nkakoshe na maboko ya mfumu ya ku Babiloni, nkaifyambatike no lupanga lwandi. Lelo Farao ena, awe ndemukontaula amaboko, akaŋonta, no kufwa akafwila pa cinsa ca mulwani wakwe.

Ubusokololo 3:18 Kanshi ndekupandako amano. Shita kuli ine golide uwaengululwa mwilungu lya mulilo, lyena uleba umukankala. Ushite ne nsalu ishabuuta, ulefwala pakuti insoni shakwenda ubwamba shipwe. Shita no muti wakubika mu menso, pakuti ulemona.

1 Yoani 3:17 Umuntu uwakwata ifintu fya pano calo nga amona munyina alekabila, lelo akaana ukumumfwila uluse, bushe kuti atila alitemwa Lesa mu mutima wakwe?

Esaya 50:4 Yawe alimfundu ne mubomfi wakwe ifyakusosa, epakuti ndeishiba ishiwi ilyakukoseleshako abanakuka. Alambusha Lyonse cila lucelo, aisula na matwi yandi pakuti ɳumfwe ifyo alefunda.

Amalumbo 18:39 Pantu walimpangeshe amaka yakulwilako, walenga na balwani bandi ukukontama pa nkasa shandi.

2 Samwele 22:40 Pantu walimpangeshe amaka yakulwilako, walenga na

balwani bandi ukukontama pa nkasa shandi.

Amalumbo 89:43 Niwe ulengele ulupanga Iwakwe ukufupa, waleka no kulamwafwako mu nkondo.

Esekieli 13:6 Ifimonwa fyabo te fyacine, nefyo basobela nafyo fine fyabufifye fyeka fyeka. Balasosa abati, ‘Yawe alesosa ukuti,’ ilyo Yawe ninshi teubatumine. Kibili balalolela pakuti amashiwi yafikilishiwe.

Abena Levi 26:37 Bakalainyantaulafye no kuipununa kwati balefulumuka ku lupanga, nangu tapali uulebabutusha. Eico pali iyi nshita mukafilwa no kulwisha abalwani benu.

1 Kolinti 14:8 Kibili umuntu uulelisha ipenga, nomba talishishe bwino, nga kuti abantu baipekanya shani ku bulwi?

Yobo 15:24 Ubulanda no bucushi nafimwishila, fyamucimfyia nge mfumu iyiteyenye ukuya kukulwa.

1 Imilandu 12:8 Bamo abena Gadi bapatukila kuli Davidi pa ncende ye linga iyo aikelepo mu matololo. Bali abashilika abacenjela, abaiteyanya kukulwa kibili abacenjela ukubomfyia inkwela ne fumo. Impumi shabo shali nge sha nkalamo elyo ku lubilo bali nge nama sha mu mpili.

1 Imilandu 12:33,38 Abaume aba muli Sebuloni, abashilika abaishiba kibili abaiteyanya ukulwa inkondo mukubomfyia ifyanso ifili fyonsen abakwafwa Davidi ne mitima yabo yonse, bali amakana amakumi yasano (50,000). 38 Bonse aba, bali baume ba nkondo abaipeeshe ukubomba mu fifulo fya milimo. Ebaishile ku Hebuloni abapambana nganshi mukwisa bika Davidi pa bufumu bwa mu Israeli. Elyo na bonse abena Israeli balifye no mutima umo uwakubika Davidi pa bufumu.

Luka 10:19 Moneni, imwe nalimupeela amaka ayakunyanta pa nsoka na pali bakalijongo na yakwansha ubulamba bonse ubwa mulwani. Takuli ne cingamucita akabi nakalya.

2 Kolinti 7:10 Pantu ubulanda ubo Lesa afwaya bulalenga ukulapila no kupilibuka, elyo ici naco cilenga ukupusuka. Kanshi pali ici tapali cakulangulukapo. Lelo ubulanda bwa muno calo bwena bulaleta imfwa.

2 Timote 2:25,26 Ali nokuba no mutembo mukwalulula abantu abalekanya ifyo alebeba. Pantu limbi kuti Lesa abalenga ukulapila, basuka baishiba icishinka. 26 Awe lyena elyo amano yakabwela, bakapusuke na ku citeyo cakwa Ciwa umo abekete no kulakonka ifyo alefwaya.

Nehemia 4:15 Ilyo abalwani besu baumfwile ukuti natwishiba amapange yabo, nokuti Lesa nafulunganya amapange yabo, lyena na ifwe bonse twalibwelele mukukuula ilinga, cila umo ku mulimo wakwe.

Amalumbo 73:24 Amano yobe eyantungulula, na pakulekelesha ukampokelela mu bucindami bobe.

Pastor T. John Franklin

Church of Salvation, Healing, and Deliverance

COS-HAD.org